

STJÓRNARTÍÐINDI B 18 – 2001

14. febrúar 2001

263

Nr. 141

GJALDSKRÁ

Landmælinga Íslands.

I. KAFLI

Almenn ákvæði.

1. gr.

Gjaldtökuheimild.

Landmælingar Íslands gefa út kort og framleiða landfræðilegar upplýsingar. Fyrir sölu, birtingu og útgáfu efnis og sérhæfða þjónustu sem veitt er samkvæmt gjaldskrá þessari skal stofnunin innheimta gjöld af viðskiptamönnum sínum, þ.m.t. ríkisstofnunum.

2. gr.

Orðskýringar.

Merking orða í gjaldskrá þessari er sem hér segir:

Efni frá Landmælingum Íslands: Allar upplýsingar, þ.m.t. öll gögn og annað efni frá Landmælingum Íslands, sem nýtur höfundarréttar.

Gjald: Greiðsla fyrir efni frá Landmælingum Íslands eða gjald fyrir sérhæfða þjónustu.

Leyfisþegi: Sá sem fær takmarkað, óframseljanlegt leyfi til notkunar á efni frá Landmælingum Íslands.

Nákvæm endurgerð efnis: Efni sem óbreytt byggist á efni frá Landmælingum Íslands og er framleitt í lit eða í svart hvítu, og er í sama eða svipuðum mælikvarða eða stærð og hið upprunalega efni.

Notkunarleyfi: Takmarkaður afnotaréttur sem Landmælingar Íslands veita til notkunar á efni frá stofnuninni.

Smákort: Einföld kort með takmörkuðum upplýsingum um staðfræði, sem birt eru í stærðinni A4 eða minni, og notuð eru til skýringar með texta, t.d. í dagblöðum, bókum eða tímaritum.

3. gr.

Höfundaréttur.

Íslenska ríkið er eigandi að öllum réttindum sem Landmælingar Íslands hafa öðlast. Stofnunin gætir hagsmuna ríkisins á sviði höfunda- og afnotaréttar á öllu því efni sem hún hefur eignast, unnið eða gefið út í sambandi við mælingar, kort eða myndir af Íslandi. Um höfundarétt gilda að öðru leyti höfundalög nr. 73/1972, með síðari breytingum.

II. KAFLI

Kaup og áskrift að efni frá Landmælingum Íslands.

A. Prentað efni.

4. gr.

Landmælingar Íslands selja prentað efni. Um upphæð gjalda fer samkvæmt fylgiskjali 1 með gjaldskrá þessari.

B. Loftmyndir og ljósmyndir.

5. gr.

Landmælingar Íslands selja eftirgerðir loftmynda og ljósmynda sem stofnunin framleiðir eða er í vörslu hennar. Um upphæð gjalda fer samkvæmt fylgiskjali 2 með gjaldskrá þessari.

C. Stafrænt efni.

6. gr.

Kaup og áskrift.

Landmælingar Íslands selja og bjóða áskrift að stafrænu efni frá stofnuninni samkvæmt gjaldskrá þessari. Um upphæð gjalda fer samkvæmt fylgiskjali 3 með gjaldskrá þessari.

7. gr.

Notkunarleyfi.

Við kaup eða áskrift að stafrænu efni frá Landmælingum Íslands fær kaupandi notkunarleyfi fyrir efninu og gengst við almennum skilmálum sem stofnunin setur um notkun þess, nema um annað sé samið.

8. gr.

Fjöldi notkunarleyfa.

Notkunarleyfi fyrir kaup eða áskrift að stafrænu efni frá Landmælingum Íslands skiptast í tvo gjaldflokka sem hér segir:

1. Leyfi fyrir einn notanda.
2. Leyfi fyrir tvo eða fleiri notendur.

III. KAFLI**Sérhæfð þjónusta.**

9. gr.

Almennt.

Landmælingar Íslands taka að sér ráðgjöf og sérhæfða þjónustu á fagsviði stofnunarinnar. Með sérhæfðri þjónustu er átt við vinnslu landupplýsinga og loftmynda, landmælingar, fjarkönnun og kortagerð sem viðskiptavinir stofnunarinnar óska sérstaklega eftir. Um gjald vegna sérhæfðrar þjónustu fer samkvæmt fylgiskjali 4 með gjaldskrá þessari.

IV. KAFLI.**Útgáfa og birting.**

10. gr.

Útgáfu- og birtingarleyfi.

Veitt eru leyfi til afnota, útgáfu og birtingar efnis sem nýtur höfundarréttar sbr. 3. gr.:

1. Ljósmyndir, loftmyndir og gervituglamyndir.
2. Kort.
3. Stafræn gögn.
4. Annað efni í vörslu Landmælinga Íslands.

11. gr.

Umsókn um leyfi.

Sá sem hyggst birta, gefa út eða endurprenta efni sem byggt er á efni frá Landmælingum Íslands skal sækja skriflega um útgáfu- og birtingarleyfi til stofnunarinnar. Þar skal meðal annars koma fram hvar fyrirhugað er að birta efnið, á hvaða formi, í hvaða upplagi, stærð og/eða mælikvarða.

Í framhaldi af umsókn skal gerður samningur þar sem kveðið er á um gjald og nánari skilmála fyrir útgáfu eða birtingu efnisins.

12. gr.

Gjaldflokkar.

Gjald fyrir leyfi til útgáfu- og birtingar á efni samkvæmt ákvæðum þessa kafla skal miðað við gjaldflokkana í þessari grein nema ákvæði 13. gr. eigi við. Um upphæð gjaldsins, þ.á m. afslætti fer samkvæmt fylgiskjöllum 5 og 6 með gjaldskrá þessari.

Gjaldflokkarnir eru sem hér segir:

Flokkur 1.

Gjald fyrir útgáfu efnis þegar um er að ræða:

1. Nákvæma endurgerð efnis.
2. Birt efni í endanlegri útfærslu sem inniheldur meira en 60% af kortagögnum, texta, myndefni eða öðru efni frá Landmælingum Íslands.

Flokkur 2.

Gjald fyrir útgáfu efnis sem endurgert er eftir efni frá Landmælingum Íslands þegar um er að ræða:

1. Mikilsverðar breytingar án endurtekningar eða einföldunar.
2. Birt efni í endanlegri útfærslu sem inniheldur 30-60% af kortagögnum, texta, myndefni eða öðru efni frá Landmælingum Íslands.

Flokkur 3.

Gjald fyrir það efni sem unnið hefur verið upp úr grunngögnum Landmælinga Íslands sem innihalda á bilinu 10-30% af birtu efni. Ekki skal innheimta gjald sé efni Landmælinga Íslands undir 10% af birtu efni. Birting loftmynda Landmælinga Íslands skal gjaldtekin samkvæmt þessum flokki.

13. gr.

Birting í fjölmiðlum.

Greiða skal sérstakt gjald fyrir eftirfarandi birtingu efnis frá Landmælingum Íslands í fjölmiðlum samkvæmt því sem hér segir nema 18. gr. eigi við:

1. Greiða skal fyrir hverja birtingu í dagblaði, án tillits til upplags.
2. Greiða skal fyrir hverja birtingu í tímariti, án tillits til upplags.
3. Greiða skal fyrir hverja birtingu í sjónvarpi sem varir lengur en 10 sekúndur. Fyrir reglubundna og stöðuga notkun á kortum, loftmyndum og gervitunglamyndum í sjónvarpi skal greiða árgjald án tillits til fjölda birtinga á ári.
4. Greiða skal árgjald fyrir birtingu í lokuðum myndbandakerfum.

Þegar dagblöð og tímarit hafa greitt gjald samkvæmt 1. mgr. er þeim heimilt að birta sömu kort á heimasíðum sínum á Internetinu og birtust á hinu prentaða formi, án þess að sérstakt leyfi komi til. Þegar birting fer fram með þessum hætti skal þó ávallt gætt ákvæða 17. gr. um áletrun.

Um upphæð gjalda fer samkvæmt fylgiskjali 7 með gjaldskrá þessari.

14. gr.

Birting á veraldarvefnum.

Fyrir birtingu og útgáfu efnis á veraldarvefnum (world wide web) skal innheimta gjald samkvæmt fylgiskjali 8 með gjaldskrá þessari. Þegar birting fer fram með þessum hætti skal ávallt gætt ákvæða 17. gr. um áletrun.

15. gr.

Endurgerð lendir milli tveggja stærðaflokka.

Ef endurgerð korts lendir milli tveggja stærðarflokka skal ávallt reikna gjaldið eftir þeim stærri.

16. gr.

Kortabækur o.fl.

Við ákvörðun á stærðarflokki korta í kortabókum, leiðsögubókum og öðrum slíkum ritum skal telja saman heildarflatarmál kortanna. Við útreikninginn skal draga frá 20% af heildarflatarmálinu vegna endurtekningar á kortasvæðum milli blaðsíðna.

17. gr.

Áletrun.

Efni sem á uppruna sinn að rekja til efnis frá Landmælingum Íslands skal merkt á eftirfarandi hátt: „© Landmælingar Íslands“.

Þegar fleiri en einn aðili á höfundarrétt að endanlegri útgáfu kortagagna skal samráð haft við Landmælingar Íslands um það hvernig merkja skuli efni frá stofnuninni.

18. gr.

Smákort.

Ekki skal innheimta gjald fyrir birtingar- og útgáfuleyfi þegar um er að ræða smákort eða skýringarmyndir á prentuðu formi í A4 stærð eða minni eða í mælikvarða 1:2.000.000 eða minni. Þó skal geta heimilda skv. 17. grein.

19. gr.

Kort og myndir í vísindalegum tilgangi.

Heimilt er að veita undanþágu frá greiðslu gjalda samkvæmt gjaldskrá þessari þegar um er að ræða kort og myndir sem birt eru í vísindalegum tilgangi. Þar er um að ræða birtingar innan skólakerfisins, í fagtímaritum og skýrslum opinberra aðila. Þó skal ávallt gerður samningur skv. 3. mgr. 11. gr. og gætt skal ákvæða 17. gr. um áletrun.

V. KAFLI

Ýmis ákvæði.

20. gr.

Hlutdeild viðskiptamanna í gögnum.

Ef efni frá Landmælingum Íslands á að einhverju leyti uppruna sinn að rekja til hlutaðeigandi viðskiptamanns skal lækka gjaldið í hlutfalli við magn þess efnis sem er frá honum komið.

21. gr.

Ágreiningur.

Ágreiningi um framkvæmd gjaldskrár þessarar er heimilt að skjóta til ráðherra með stjórnsýslukæru.

22. gr.
Gildistaka.

Gjaldskrá þessi, sem staðfestist hér með samkvæmt 10. gr. laga nr. 95/1997 um landmælingar og kortagerð með síðari breytingum, öðlast þegar gildi. Jafnframt er úr gildi numin gjaldskrá Landmælinga Íslands nr. 323/1999.

Umhverfissráðuneytinu, 14. febrúar 2001.

F. h. r.
Magnús Jóhannesson.

Þórður H. Ólafsson.

Fylgiskjal 1.

Prentuð kort

Sérkort	Útsöluverð Heildsöluverð	
	án vsk. kr.	án vsk. kr.
Pingvellir	538	385
Hekla	538	385
Vestmannaeyjar	538	385
Mývatn	538	385
Skaftafell	683	490
Hornstrandir	683	490
Húsavík/Mývatn	683	490
Þórmörk/Landmannalaugar	683	490
Suðvesturland	683	490
Surtsey	683	490
Kortasöfn		
Sérkortamappa	4.739	3.645
Önnur prentuð kort		
Atlaskort 1:100.000	538	385
Staðfræðikort 1:50.000	538	385
Staðfræðikort 1:25.000	538	385
Veiðisvæðakort	859	615
Upphleypt kort	2.651	1.890
Stjórnsýslumörk	1.036	740
Sveitafélagakort	795	568
Jarðskjálftakort	538	385
Jarðfræðikort 1:250.000	683	490
Jarðfræðikort Orkustofnunar	538	385

Fylgiskjal 2.**Loftmyndir og ljósmyndir****Snertimyndir svart/hvítar****Verð án vsk. kr.**

Pappír	1.308
Filma „díapósítív“	3.131

Snertimyndir í lit

Pappír	3.410
Filma „díapósítív“	5.549

Stækkanir svart/hvítar

Pappír 0,2 m ²	3.964
Pappír 0,4 m ²	6.705
Pappír 0,6 m ²	8.655
Pappír 0,8 m ²	11.164
Pappír 1,0 m ²	13.674

Filma 0,2 m ²	5.945
Filma 0,4 m ²	9.480
Filma 0,6 m ²	12.419
Filma 0,8 m ²	16.184
Filma 1,0 m ²	19.951

Stækkanir litmyndir

Pappír 0,1 m ²	6.027
Pappír 0,2 m ²	8.570
Pappír 0,3 m ²	11.662
Pappír 0,4 m ²	16.183
Pappír 0,5 m ²	19.433

Filma 0,1 m ²	10.181
Filma 0,2 m ²	12.923
Filma 0,3 m ²	15.521
Filma 0,4 m ²	20.013
Filma 0,5 m ²	23.403

Magnafsláttur reiknast af snertimyndum á pappír í svart/hvítu og lit á eftirfarandi hátt:

- 10-19 stk. 5%
- 20-49 stk. 10%
- 50 stk. eða fleiri 15% afsláttur.

Fleiri en ein eftirgerð af sömu mynd gefur 25% afslátt. Sé mynd stækkuð í aðra stærð en verðskrá gerir ráð fyrir, skal hún reiknast samkvæmt næsta stærðarflokki fyrir ofan viðkomandi stærð. Stærri myndir en að framan greinir reiknast út frá verði eins fermetra.

Skönnun svart/hvítra loftmynda

Upplausn	Verð 1-9 stk.	Verð 10-49 stk.
	kr.	
800 dpi.	1.308 *	10% afsl.
1200 dpi.	1.700 *	10% afsl.

*Verð pr. skönnun án vsk.

Skönnun lit loftmynda

Upplausn	Verð 1-9 stk.	Verð 10-49 stk.
	kr.	
800 dpi.	1.625 *	10% afsl.
1200 dpi.	2.112 *	10% afsl.

* Verð pr. skönnun án vsk.

Gögnum er skilað á TIFF formati og eru þau afhent á CD-ROM diskum. Viðskiptavinur greiðir fyrir miðla s.s. CD-ROM og sendingakostnað.

Sýnismyndir með stafrænni myndavél

Upplausn	Verð 1-9 stk.	Verð 10 myndir
	kr.	kr.
75 dpi.	600*	300*

* Verð pr. skönnun án vsk.

Með sýnishornum geta viðskiptavinir skoðað og afmarkað svæði sem óskað er eftir til stækkunar. Myndina er hægt að fá senda í tölvupósti. Kostnaður við sýnismyndir dregst frá kostnaði við myndagerð verði af pöntun.

Fylgiskjal 3.**Stafrænt kortaefni.****KORT Á GEISLADISKUM OG DISKLINGUM**

	Verð án vsk. kr.
Stafrænt yfirlitskort PC	795
Stafræn gróðurmynd PC	795
Stafrænt jarðfræðikort PC	795
Stafrænt yfirlitskort MAC	795
Stafræn gróðurmynd MAC	795
Stafrænt jarðfræðikort MAC	795

STAFRÆN KORT OG GAGNASÖFN

Heiti	Mælikvarði	Útgáfuár	Verð án vsk. kr.
Ferðakort IS 500 R	1:500.000	2001	795
Aðalkort IS 250 R	1:250.000	1990-1999	795
Atlaskort IS 100 R	1:100.000	1986-1990	795
Staðfræðikort IS 50R	1:50.000	1977-1990	795
Staðfræðikort IS 25R	1:25.000	1988-1989	795
Aðalkort IS 250 R (samsett 9 blöð)	1:250.000	1990-1999	7.000

Grunngjald vegna afgreiðslu skannaðra kortagagna er kr. 1.000.

Vigruð kort ^{1) 2)}

Heiti	Pema	Mælikvarði	Áskrift kr.	Kaupverð án vsk. kr.
Heildarkort IS 3000 V		1:3.000.000		7.800
Heildarkort IS 2000 V		1:2.000.000		30.000
Ferðakort IS 500 V	Hæðarlínur	1:500.000	30.000	90.000
Ferðakort IS 500 V	Vatnakerfi	1:500.000	20.000	60.000
Ferðakort IS 500 V	Vegakerfi	1:500.000	10.000	30.000
Ferðakort IS 500 V	Stjórnsýslumörk	1:500.000	12.500	37.500
Ferðakort IS 500 V	Allar þekjur	1:500.000	60.000	180.000
Ferðakort IS 500 V	Strandlína	1.500.000		10.000
			Verð pr. kortblað	
Staðfræðikort IS 50 V	Hæðarlínur	1:50.000	12.000	36.000
Staðfræðikort IS 50 V	Vatnakerfi	1:50.000	8.000	24.000
Staðfræðikort IS 50 V	Yfirborð	1:50.000	4.000	12.000
Staðfræðikort IS 50 V	Samgöngur	1:50.000	5.000	15.000
Staðfræðikort IS 50 V	Byggð	1:50.000	5.000	15.000
Staðfræðikort IS 50 V	Mörk	1:50.000	2.000	6.000
Staðfræðikort IS 50 V	Örnefni	1:50.000	4.000	120.000
Staðfræðikort IS 50 V	Heilt kortblað	1:50.000	40.000	120.000
Staðfræðikort IS 25 V	Hæðarlínur	1:25.000	15.000	45.000
Staðfræðikort IS 25 V	Vatnakerfi	1:25.000	10.000	30.000
Staðfræðikort IS 25 V	Vegir	1:25.000	6.250	18.750
Gróðurmynd	Gervitunglam.	100x100m	10.000	30.000
Landsat gervitungla- mynd, s/h innrauð eða lit		30x30 m myndeiningar	30.000	90.000
Landsat gervitungla- mynd, s/h innrauð eða lit		90x90 m myndeiningar	10.000	30.000
Hæðarlíkan DTED level 1				100.000
Hluti DTED verð pr. ferkm ³⁾				16

Verð segulmiðla s.s. CD-ROM diska bætist við ofangreint verð. Gjald fyrir hvern geisla-disk er kr. 300.

1) Verð miðast við einn notanda sbr. 8. grein gjaldskrár. Ef gögnin eru notuð af fleiri en einum á neti (intraneti) þá margfaldast ofangreind verð með stuðlinum 1,5.

2) Sumt efni er fánlegt í áskrift. Áskrifendur greiða áskriftarverð við gerð samnings og síðan uppfærsluverð í hvert sinn sem þeir uppfæra þekjur.

3) Grunnjald 4.000 kr. án virðisaukaskatts.

Afsláttur á IS 50V

1-5 kort keypt	fullt verð
6-20 kortblöð	25% afsláttur
21-50 kortblöð	50% afsláttur
fleiri en 50 kortblöð	75% afsláttur

Fylgiskjal 4.

Gjald vegna sérhæfðrar þjónustu.

Tímagjald kr. 4.665 pr. klst. án virðisaukaskatts.

Fylgiskjal 5.

Birting og útgáfa efnis frá Landmælingum Íslands.

Upprunaleg stærð korts og mynda sem á að gefa út	A6 og minna 155 fersm kr.	A5 og minna 310 fersm kr.	A4 og minna 625 fersm kr.	A3 og minna 1250 fersm kr.	A2 og minna 2500 fersm kr.	A1 og minna 5000 fersm kr.	A0 og minna 10000 fersm kr.
Flokkur 1	2,00	4,00	10,00	20,00	33,00	46,00	65,00
Flokkur 2	1,50	3,00	7,50	15,00	25,00	35,00	50,00
Flokkur 3	1,00	1,50	2,50	5,00	7,50	10,00	15,00

Lágmarksupphæð vegna útgáfu og birtingar efnis kr. 4.000 án virðisaukaskatts.

Afsláttur vegna flokks 1 og 2	1.000-2.499 stk.	5%
	2.500-4.999 stk.	10%
	5.000-9.999 stk.	15%
	10.000 eða fleiri	25%

Allar fjárhæðir eru tilgreindar án virðisaukaskatts.

Fylgiskjal 6.**Tafla um vægi þekja í kortagrunnum Landmælinga Íslands.**

Hæðarlínur, mælipunktar:	30%
Vatnafar, ár, lækir og vötn:	20%
Samgöngur, vegir, flugvellir, ferjuleiðir:	10%
Stjórnslumörk, hreppar, sýslur o.fl.:	5%
Örnefni:	10%
Yfirborð, s.s. gróður, hraun, sandar:	10%
Byggingar og mannvirki:	10%
Annað:	5%

Fylgiskjal 7.**Birting efnis frá Landmælingum Íslands í fjölmiðlum.**

1. Dagblöð: Greiða skal kr. 5.000 fyrir hverja birtingu í dagblaði, án tillits til upplags.
2. Tímarit: Greiða skal kr. 5.000 fyrir hverja birtingu í tímariti, án tillits til upplags.
3. Sjónvarp: Greiða skal kr. 1.000 fyrir hverja birtingu á korti sem varir lengur en 10 sekúndur. Fyrir reglubundna stöðuga notkun skal greiða kr. 200.000 árgjald, án tillits til fjölda birtinga á ári.
4. Myndbandakerfi: Greiða skal árgjald kr. 10.000 fyrir birtingu í myndbandakerfum, án tillits til fjölda birtinga

Allar fjárhæðir eru tilgreindar án virðisaukaskatts.

Fylgiskjal 8.**Birting og útgáfa efnis frá Landmælingum Íslands á vefnum.**

	Árgjald á kort/mynd Flokkur 1 kr.	Árgjald á kort/mynd Flokkur 2 kr.	Árgjald á kort/mynd Flokkur 3 kr.
Grunngjald, 1. birting	7.500	5.000	2.500
2. til 10. birting	3.750	2.500	1.250
11. til 50. birting	1.500	1.000	500
yfir 50 birtingar	1.000	500	250

Birting á vefnum telst vera ein mynd eða kort sem hluti af heimasíðu viðskiptavinar. Allar fjárhæðir eru tilgreindar án virðisaukaskatts.